


寶雲經卷第四

百四十  
木四

43179



元祿九年丙子二月日重脩

皇圖 聖澤 永昌

佛日 增輝 懋修 輪常 轉

山城州天安寺法金剛院置



Law.

寶雲經卷第四

木四

梁扶南三藏曼陀羅仙兵僧伽婆羅譯

善男子菩薩復有十法名勝大心何等為十  
滿足諸波羅蜜故名勝大心滿足一切佛法  
故名勝大心化一切衆生故名勝大心成佛  
道樹得阿耨多羅三藐三菩提故名勝大心  
初成正覺轉於法輪若沙門婆羅門若人若  
天魔梵所不能轉及餘世間亦不能轉而我  
當轉故名勝大心菩薩為欲利益衆生不但  
於此世界乃至於無量無邊世界悉以正法  
攝取衆生故名勝大心菩薩以智慧船為欲  
度此生死大海流轉衆生故名勝大心衆生



無救無依無舍無主我當親友為作歸依舍  
宅故名勝大心欲示如來威德自在我當為  
作佛師子吼我當遊戲佛之神通欲現龍象  
威儀視不迴顧欲使天人一切衆生無與等  
者若魔與梵沙門婆羅門及阿脩羅魚與等  
者故名勝大心佛大威德所化度者我欲度  
之未四非凡小行非麁弊行非是難行非下劣行  
故名勝大心善男子具此十事是名菩薩最  
勝大心

善男子菩薩復有十法名清淨心何等為十  
體性具足體性不動體性質直無虛偽相除  
諸惡行不發聲聞心不發辟支佛心不自為

已結使垢障而修功德少恩尚憶况復大恩  
而不念報施恩於人而不自恃言行相應終  
不謬失不隱已過不譏他短菩薩終不外現  
軟語而心懷恨亦不鬘鬘顯色卒暴令惱衆  
生自無諱心亦不令他而起於諱不作兩舌  
破壞鬪亂於人身常恭敬所言真實言行相  
稱作業皆善於如來法不說過惡云何不說  
過惡菩薩發菩提心剃除鬚髮被著法服如  
來法中而得出家不畏王故出家不畏王臣  
故出家不作盜賊故出家不負債故出家不  
怖畏故出家不為邪命故出家信心故出家  
得出家已恒求善法親近善友隨順善友於

善知識所聽受善法聞法修行心不憍慢終  
不顛倒妄取於法為除顛倒令入正道入正  
道已便得正見得正見已去阿耨多羅三藐  
三菩提不遠善男子具此十事是名菩薩清  
淨心

善男子菩薩復有十法名深信不疑何等為

本四

十信如來身蜜信如來口蜜信如來意蜜信

二

諸菩薩所行信菩薩法信於諸佛隨所起作  
皆令滿足信諸佛出生信諸佛一乘信諸佛  
深遠音聲信諸佛隨應衆生說法云何信如  
來身蜜信如來法身信如來寂滅信如來無  
等無量身信如來堅固身信如來不壞身信

如來金剛身從如實生信知不虛誑亦不生  
疑惑是名信如來身密又復思惟聞如來口  
密現前受記密受記未發心受記初發心受  
記信諸佛常以四依說法信諸佛智無失信  
諸佛口無失信諸佛如上所說言不虛妄何  
以故諸佛已盡一切過故離一切垢故除一  
切塵無一切熱盡諸結業自在無礙心常寂  
滅不濁不穢澄潔清淨若使如來有身口過  
則無是處如實不虛不妄決了此處不生疑  
惑是名信如來口密菩薩又作是念聞如來  
意密心有所作皆隨智慧聲聞緣覺一切菩  
薩則不能了唯除如來欲使知者何以故如

來智海甚深難度不思議故超過一切心意  
表故無量無邊與虛空界等出過一切外道  
古相卜筮咒術所知心常如實無有虛妄復  
聞菩薩為衆生故所作事業不生疲厭不生  
驚畏志力堅實荷負重擔能生大欲滿足諸  
波羅蜜一切佛法以漸而滿其心無礙無與  
等者本四堅固精進堅固莊嚴堅固智慧堅固誓  
願不動誓願無等誓願何以故稱菩薩提相故  
以漸增廣乃至滿足如實知之無有虛妄心  
無疑惑云何能修信不疑作是念從初發心  
乃至坐於道場得無障無礙遍知一切法明  
了無翳得天眼天耳他心宿命如意足智漏



盡智於一刹那頃悉知三世以如是智觀衆  
生界見衆生身業不善口業不善意業不善  
誹謗賢聖起大邪見亦知作邪見因緣身壞  
命終墮大地獄觀如是衆生身業修善口業  
修善意業修善不謗賢聖正見成就以是因  
緣身壞命終生於天上如是觀諸衆生善惡  
差別而作是念我本修菩薩道時發大誓願  
若我自成菩提亦使他成我誓願滿足言行  
真實無有虛妄而於此處亦無疑惑我聞如  
來唯有一乘此事真實而不顛倒無有虛妄  
何以故譬如閻浮提多諸小渚是諸小渚皆  
依閻浮提住亦同名閻浮提如來一乘亦復

如是一切諸乘皆出大乘是故一乘名如來  
大乘亦於此中不生疑惑如實而知是以菩  
薩信如來乘亦曾聞如來種種說法種種修  
多羅無不真實何以故如來隨所化衆生隨  
問何法稱彼而答然於此處如實能知信受  
不疑曾聞諸佛深遠妙聲此事真實心無所  
惑本四何以故諸天以少修福尚得深妙四柔軟之  
聲况復如來具足無量百千萬億功德深信  
此處不生疑惑是名菩薩信於如來深遠之  
聲又信如來能以一音演說諸法隨其類根  
悉除疑惑而諸衆生皆謂世尊獨為已說佛  
以一音演說諸法衆生隨類亦各信解非作

想亦非不作想如實而知無有虛妄能於此  
處不生疑惑善男子具此十事是名菩薩深  
信不疑也

善男子菩薩復有十法譬如大海何等為十  
是大寶藏深遠難度廣大無量次第漸深不  
與煩惱同處而宿寂滅一相衆流競注皆悉  
容受潮不失時能為他人作歸依處而無竭  
盡云何菩薩是大寶藏亦如大海一切衆寶  
皆出其中閻浮提人悉來競取不能令減菩  
薩亦尔猶如寶藏無邊衆生悉以信心修菩  
薩行功德寶藏亦復不減是名菩薩如大寶  
藏譬如大海深廣難度菩薩亦復如是智慧

法海一切衆魔及諸外道無能度者是名菩薩深廣難度譬如大海廣大無邊菩薩亦不功德智慧廣大無邊是名菩薩猶如大海深廣無邊譬如大海次第漸深菩薩摩訶薩成一切智以漸轉深是名菩薩猶如大海以漸轉深譬如大海不宿死屍何以故海法亦故菩薩法海一切結漏煩惱死屍及惡知識亦不同宿何以故菩薩法亦故譬如大海衆流注中皆同一味菩薩摩訶薩亦復如是白淨善業無量一切功德到種智海亦同一味等無差別譬如大海能容百千衆流然其大海不增不減菩薩亦不聽受一切佛法亦為衆

生分別解說而無增減是名菩薩猶如大海  
不增不減云何譬如大海潮不過限菩薩亦  
復如是於所應成熟衆生亦潮不過限猶如  
大海一切大身衆生依止窟宅菩薩摩訶薩  
亦復如是為一切大心衆生作依止窟宅是  
名菩薩猶如大海依止窟宅譬如大海魚有  
窮盡菩薩摩訶薩亦復如是為一切衆生如  
應說法亦無窮盡善男子具此十事是名菩  
薩譬如大海

善男子菩薩復有十法名微細智何等為十  
善知出要善知出要法善知出一切法等同  
一相善知一切法如幻化善知一切法相善

知甚深十二因緣善知諸業不可思議善知  
一切法義善知如實義善知如實智善男子  
云何名菩薩善知出要菩薩能以智慧觀察  
一切衆生貪瞋熾然愚癡闇冥思惟如是衆  
生云何出要觀察等同一相知一切法如幻  
相如實知一切法能度甚深因緣能知業不  
可思議知一切諸法無相而知種種諸業能  
知緣起及諸業相以如是微細智故於諸佛  
所說法悉了其義以解義故所見真實以見  
真實故便能度脫衆生生死善男子具此十  
事是名菩薩微細智  
善男子菩薩復有十法得隨應辯何等為十

佛如是說一切諸法無我無衆生無壽命無  
人無作者無知者無見者一切諸法悉如是  
相一切法空一切法虛妄欺誑無主一切法  
妄相無實皆從因緣起善男子具此十事是  
名菩薩隨應辯

善男子菩薩復有十法名為辭辯何等為十  
言論無滯語無竭盡言辭柔潤悅澤無窮不  
懼大衆辭不卑小辭無畏恐辭無與等者言  
不為他所惡言雖無量而不離四依義善男  
子具此十事是名菩薩辭辯

善男子菩薩復有十法名為淨辯何等為十  
辭為審吃辭無恐畏辭不卑劣辭不麁高義

不卑小辭無闕短其聲清徹聲無闕短言則  
應時無有漏失辯不麤獷云何名菩薩得不  
謬吃辯以無大衆威德畏故言不謬吃云何  
名菩薩得不恐怖辯以體性正直故無所忌  
云何名菩薩得不卑劣辯以何因緣故菩薩  
處於大衆猶如師子無所忌難云何名菩薩  
辭不麤高本四以何因故除結使故善男子有煩  
惱故辭有麤高云何名菩薩義不卑小以何  
因故善得法故已解深法其義明了云何名  
菩薩辭無闕短以何因故善解諸論故若解  
論多少則言辯有闕云何名菩薩聲無闕短  
何以故菩薩悉解一切諸音聲故云何名菩



薩知時而語若應前語不著於後若應後語亦不著前何以故菩薩善知時故云何名菩薩辯不麁獷非所喜者則不為說何以故一切口過由諸結習以斷惡故所言柔輒菩薩摩訶薩無不了辯何以故菩薩諸根已悉利故善男子諸根闇鈍故有不了辯利則不尔善男子具此十事是名菩薩淨辯善男子菩薩復有十法名樂說辯何等為十愛語不鬻蹙語義語法語等語不自高語不輕他語不染語不惱觸語種種言辯善男子菩薩愛語能令衆生心生欣樂菩薩不嘖蹙語和顏悅色咸使安慰菩薩義辯能以美語

令衆悅樂菩薩法辯教授授利益菩薩等辯常  
以等心為衆生說法能令衆生一切悉皆喜  
悅菩薩不以自高說法除去憍慢自是心故  
菩薩同事說法悅衆生故菩薩不輕他說法  
心能專一故菩薩不深語堅持淨戒悅衆生  
故菩薩不惱觸語以忍辱力悅衆生故菩薩  
種種言辯能以樂說悅衆生故善男子具此  
十事是名菩薩樂說辯才

善男子菩薩復有十法名善說法能令衆生  
信受何等為十堪任法器者而為說法稱其  
根性而為說法不為譏訶者說法不為外道  
異見者說法不為憍慢無誠心者說法不為

無信心者說法不為誦偽虛誑者說法不為  
求活命者說法不為求利養慳貪嫉妬者說  
法不為顛狂愚癡聾瘂者說法善男子菩薩  
以何因緣不作法慳己所得法悉與衆生令  
他信解不為師匠祕而不說菩薩終不於衆  
生起不慈愍心亦不外於衆生但不任法器  
者則入捨心除蓋障菩薩白佛言世尊而此  
衆生若不為說者當為誰說佛言有信心者  
我當為說善根成就堪任法器者當為說之  
於過去佛種諸善根心不誦曲無虛偽者亦  
非幻惑詐現威儀者不求名聞為利養者常  
為善知識之所守護者有智聞之能隨信解

者諸根利者聞法能行動精進者能隨順佛  
教者若有如是善男子等諸佛菩薩而為說  
法善男子具此十事是名菩薩能善說法令  
衆生信受之

善男子菩薩復有十法名為說法法師何等

為十修習佛法而能說法亦不見法而能修

本四

習亦不見法能斷結使而為說法亦不見所

九

斷結使亦不見法厭惡離欲寂滅作如是說

法亦不得厭惡亦不得離欲亦不得寂滅相

得須陀洹果說法不見有須陀洹相得斯陀

含果說法不見有斯陀含相得阿那含果說

法不見有阿那含相得阿羅漢果說法不見

有阿羅漢相得辟支佛果說法不見有辟支  
佛相剗除著我說法亦不見我不見著見業  
果報說法亦不見業果報相何以故菩薩觀  
諸假名不必依法名中無法法中無名但以  
世俗假設名字流布世間世諦故而有假名  
於第一義諦觀之則無悉是虛妄誑惑凡夫  
善男子具此十事是名菩薩說法法師  
善男子菩薩復有十法名為堅法何等為十  
菩薩摩訶薩雖觀色真實而不壞色相觀受  
想行識真實亦不壞受想行識相菩薩雖觀  
欲界真實而不壞欲界相雖觀色界真實而  
不壞色界相雖觀無色界真實而不壞無色

界相雖觀諸法真實而不壞諸法相雖觀諸法真實而不壞於假名衆生雖觀諸法虛寂而不畢竟墮於斷見雖觀諸法真實而不壞於正道菩薩以巧方便智慧善知有無而不取相善男子具此十事是名菩薩堅法

善男子菩薩復有十法善知法界何等為十

本四

有慧依善知識能勤精進遠離陰蓋清淨

十

敬多習空觀除著諸見趣向於道所見真實善男子菩薩有慧習近善知識見善知識愛敬喜悅於善知識生世尊想依善知識住因善知識故得勤精進因善知識故能除一切惡法雖滿足一切善法而勤精進不倦際滅

除蓋以無蓋障故而勤修道得身口意業清  
淨除諸習惡得清淨故能恭敬供養得恭敬  
供養致而得空觀修空觀故除諸假名除諸  
假名故能向正道能向正道故能見真實除  
蓋障菩薩白佛言世尊云何名為見真實佛  
即答言所見不虛名為真實除蓋障菩薩白  
佛言世尊云何名真實佛復答言不虛妄法  
名為真實除蓋障菩薩白佛言世尊云何名  
為不虛妄佛即答言如實非不如實名不虛  
妄除蓋障菩薩白佛言世尊云何名為如實  
佛即答言此法唯可心知難以口說非是文  
字所能宣釋除蓋障菩薩白佛言世尊云何

法相離於文字佛答言言語道斷出過一切  
心所行處離諸戲論無造無作亦無彼此非  
籌量計校之所能及亦非相貌過於一切凡  
愚所見出過魔界出過一切結使處所出過  
一切心意識表不住寂滅賢聖處所而諸賢  
聖之所證知善男子具此十事名為究竟如  
實是本四一切智所說不思議境界不二境十一界除  
蓋障菩薩白佛言世尊是如實相云何證云  
何見佛告善男子出世間智乃能證見自得  
此法除蓋障菩薩復白佛言世尊此法體性  
究竟清淨非染汙法是澄淨法微妙最勝法  
常住不動非敗壞法有佛無佛法性常余等



薩摩訶薩精勤修行難行苦行百千萬億難  
行苦行為得此法安立衆生陰蓋障菩薩復  
白佛言世尊如如名以聞慧聞以思慧思身  
得證不佛言善男子不尔何以故以智慧觀  
如實法而身得證除蓋障菩薩白佛言世尊  
不從聞慧聞思慧思身得證耶佛言善男子  
不也不以聞思慧故身能證得善男子汝今  
諦聽我當說喻善男子譬如春末盛熱大曠  
野中有人從東來欲向西有人從西來欲東  
過從西來者為熱所逼語彼人言我今為熱  
所逼極甚渴乏示我道路何處當有清涼池  
水可止渴乏東方來人善知途徑善知道相

即答彼云道中有好清涼美水無諸鹹苦我  
以於彼洗浴飲飽得來至此善男子汝欲趣  
彼其路衆多去此不遠便有二道一者是左  
道二者是右道汝今當從右道而往棄其左  
道去此不久當見叢林鬱茂清涼此叢林中  
多妙池泉衆流美味可以洗浴飲除渴乏佛  
言善男子彼渴乏者聞水思惟時渴已止渴  
不除蓋障菩薩白佛言不也世尊雖聞清涼  
而身未證知佛言善男子此亦如是不以聞  
思慧等便能證知實相之法大曠野者譬如  
生死渴乏之人是具縛凡夫煩惱熱逼便生  
愛渴善知道者譬如菩薩善知一切智道能

飲水者譬如善得法味洗浴清涼譬如身證  
澄清淨潔無諸穢苦譬如實法善男子汝今  
善聽我更說喻假使如來於閻浮提若壽一  
劫說須陀味香氣勝妙甘美清淨食時受樂  
悉皆讚歎其味無比若使有人雖見其色而  
未食者已得味不除蓋鄒菩薩白佛言不也  
世尊

佛言善男子我今為汝復說更喻譬如有人  
曾食美果於未得者前讚歎此果色香味具  
彼人間說是果時已知彼果色香味不除蓋  
障菩薩白佛言不也世尊佛言善男子凡夫  
愚人亦復如是不以聞思中慧便能證知真

實法相除蓋障菩薩白佛言世尊今為我故  
快說此喻若得聞者不久亦當獲得法利何  
以故若聞此法必證阿鞞跋致當得阿耨多  
羅三藐三菩提佛即答言如汝所說聞此法  
者必證阿鞞跋致當得阿耨多羅三藐三菩  
提善男子具此十事是名菩薩善知法界

寶雲經卷第四

木四

謬

反苗幼

顰蹙

二頻足

渚

掌與反正作渚洲

噉吃

上九件反下音

訖言也

瘞

臍

鳥可反聲不出

鹹

音咸鹽

喜叢

在紅

山城國綴喜郡新村

靈瑞山剛恩卷沙門宗桂書寫之



